

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2269 del 30/09/2020

Traduzione in ladino

Premie Arge Alp: ge é stat dat 1.000,00 euro al trentin Sebastiano de Salvo

À tout pèrt 41 candidac al Premie Arge Alp metù fora per la composizion de la fanfara per la Comunità de Lurier de la Regions alpines. L venjidor, Valentin Gasser, con sia composizion per strumenc a fià, à abù la soramessa e l' à vent l prum pest, 5.000,00 euro. Doi i recognoscimenc: un al trentin Sebastiano de Salvo e un al tiroleis Christian Tschuggnall. Na dezijion touta a una da duc i comembres de la jurìa tecnica. La pruma esecuzion publica la sarà ai 30 de setember a Salzburg, en ocajon de la Conferenza di Presidenc de Goern metuda a jir ence per l passaje de presidenza de Arge Alp da Salzburg a la Lombardia. La composizion de Valentin Gasser la é stata creèda per cater trombes, doi trombons, tuba, timpenes e baterìa.

“La composizion che à arjont l prum post la vegnarà durèda desche fanfara ofizièla de Arge Alp en ocajon de evenc, su la homepage, desche sigla video e desche element de recognosciment de chesta comunità de diesc regions, Länder e Ciantons di cater païjes Germania, Tèlia, Austria e Svizra”, ricorda l Landeshauptmann de Salzburg Wilfried Haslauer, president de Arge Alp.

“L' é mie prum gran suzess te n concors e son dassen content de aer vent sobito n concors sci gran e che va sorafora la seides”, coscita Valentin Gasser à comentà sie suzess. Gasser l' é nasciù del 1991 a Busan, sie père ge à fat sia pruma lezion de saxofon e enscin al 2010 l' é jit a la scola de mùsega de Busan. Da canche l' à doudesc egn l' é comember de la Mùsega de San Quirino. Dal 2010 al 2018 l' é jit a l' università de Mùsega e Èrt de Viena (che aea inom Konservatorium Wien Privatuniversität), dant saxofon – jazz e dò composizion – jazz e arangiamet. L' à tout pèrt a sacotenc workshop te l' Europa zentrèla e l' é stat arlief de Bobby Watson, Bob Mintzer, Jim Snidero e Eric Alexander. Da l' istà del 2018 Valentin Gasser l' stèsc endò tel Sudtirolo, l' insegna a la scola de mùsega de Busan e l sona, l scrif mùsega e l se cruzia de l' arangiamet per desvalives projec tant de mùsega jazz che de mùsega classica e de mùsega de mùseghe sinfoniche.

La jurìa locala l' aea cernù la composizion de Sebastiano de Salvo desche composizion miora anter cheles vegnudes cà dal teritorie provinzièl.

Diesc comembres te cater stac.

Da canche del 1972 la é stata metuda sù, l' Arge Alp l' é na emportanta rei de cooperazion che va sorafora la seides che se cruzia de la prioritèdes del raion de la Èlpe, soraldut tel setor ecologic, culturèl, sozièl e economich. La cooperazion tol ite ti cater stac Germania, Tèlia, Austria e Svizra chisc ciantons / regions / provinzie, con presciapech 26 milions de jent: Trentin, Sudtirolo, Baviera, Salzburg, Tirol, Vorarlberg, Lombardia, S. Gal, Ticino e Grijons.

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)